

Այս համապետական տրամադրութիւններին ու լաւատեսութեան գու-
ղընթաց զգացում էր և ներքին անհանգստութիւն կատարող զէպքերի
հանդէպ: Ուրջան և յեղափոխութիւնը արբեցրած լինէր ամենքին, անկարելի
էր չնկատել, որ որոշ խաւերում աճում էր ձգտումը յեղափոխութիւնը
օգտագործելու ռազմաճակատի գործերը ի նպաստ Թիւրքիայի շրջելու
համար: Դիտւում էր ճակատի պահանջների հանդէպ խիստ անփոյթ վերա-
բերում վրացական շրջաններում և քողարկւած հակառուս աշխատանք
մահմետականների կողմից: Բագուի Մահմ. Բարեգործական Ընկերութիւնը
բաղմապատկել էր իր գործակալների և նիւթական յատկացումների քանակը
Կարսի նահանգում և էրզրումի ու յարակից շրջաններում: Պաշտօնապէս
ներանք դրաւած էին մահմետական որբերի ու դաղթականների հոգատարու-
թեամբ. իրապէս՝ ոռւս բանակի թիկունքում գործում էին յօգուտ Թիւրք
զէնքի:

Այս աշխատանքը, ուրիշներից աւելի, տեսնում էին հայերը, և յեղա-
փոխութեան առաջին օրերից հէնց ճակատի պաշտպանութեան, ազգային
ինքնապաշտպանութեան և հայկական ներքին ուժերի համախմբման պա-
հանջը շատերի համար դարձաւ լուրջ մտահոգութեան առարկայ: Այս
պահանջի հետեւանքով առաջ եկաւ ազգային ներքին կազմակերպութեան
անհրաժեշտութեան գիտակցութիւնը:

Ապրիլ 10—13, Թիֆլիսում, Ազգային Բիւրօի հրաւերով գումարեց
միջկուսակցական մի խորհրդակցութիւն, որին մասնակցում էին Ազգային
Բիւրօի և Կամաւորական խմբերի Կարգադրիչ Մարմնի անդամները, նախ-
կին կամաւորական խմբերի հրամանատարները, դաւառակալին բիւրօների և
կոմիտէների ներկայացուցիչները, Թիֆլիսի Միջկուսակցական Մարմինը,
Արեւմտահայ խորհրդի անդամները և այլն — Թիֆլիսից 75 և դաւառներից
20 գործիչ: Այդ ժողովում ներկայացւեցին մանրամասն գեկուցումներ
ընդհանուր և ազգային-քաղաքական դրութեան, ինչպէս և ռազմաճակատի
ու դաւառների վիճակի մասին: Եւ անհրաժեշտ տեսնւեց, երկու ամսից ոչ
ուշ, հրաւիրել ազգային համագումար՝ ոռւսահայերի կեանքին վերաբերող
խնդիրների լուծման համար: Որոշւեց, որ համագումարը կազմւելու է
քառանգամ ընտրական եղանակով՝ երկու սեռերի մասնակցութեամբ: 10,000
հոգին պէտք է տար մէկ պատգամաւոր: Ընտրութիւններին մասնակցելու
էին միայն ոռւսահայերը: Համագումարը պէտք է գումարէր Երեւանում:
Ընտրութիւնների կազմակերպումն ու ղեկավարումը, համագումարի օրա-
կարգի մշակումը և այլ խնդիրների կարգադրութիւնը յանձնեց Թիֆլիսի
Միջկուսակցական Մարմինն, որը իրաւունք պիտի ունենար իր կազմը ուժե-
ղացնել նոր անդամներով:

Այս որոշումը, սակայն, ժամանակի ընթացքում, ենթարկւեց որոշ
փոփոխութեան, և համագումարը հրաւիրւեց կէս-ընտրական, կէս-նշանա-
կովի սկզբունքով. որոշ քանակութեամբ պատգամաւորներ ուղարկեցին
հայաբնակ քաղաքները, հասարակական կազմակերպութիւններն ու քաղաքա-
կան կուսակցութիւնները, և սեպտ. 29-ին, Թիֆլիսի Արտիստական Թատ-